

# FOHLOHKYAK

KE WOSASUC LUHN JISUS KRAIST





## GOD PA PAHPAH PAHKOTWEN TOMOM INKUHSRAO

God pa Pahpah tomom Inkuhsrao. El etwekom wo ac luhngse kom yohk liki na luhmweyac sum. El kena tuh kom in engan ke moul se inge ac nwe tok ma pahtpaht.

In ahkfalye srihpac se inge, Pahpah Lucng El acse plwacn se pahng-pahng **wosasuc**\* luhn Jisus Kraist. Jisus Kraist pa Wen nuhtin God; moul ac mwe luti Lal pa kolyuck se nuh ke mihs lac ke moul se inge ac engan nwe tok ma pahtpaht.

*Pahpah tuhmasr Inkuhsrao  
El—fohlohkohnwack—ma  
pwacye muhtahl ma kom kuh in  
etuh ac moulkihn. Ma pwacye  
inge tuh ahkkahlwemyeyuck  
nuh sin mwet pahluh e ke  
muhtwacwaciyac ah.*

## WOSASUC UH AHKINSEWOWOYE SUCU AN AC KAIS SIE

Wosasuc luhn Jisus Kraist ahkinsewowoyaclos nuh kwewa suc insese ac moulkihn uh. Sie acn wo emet in luti ac moulkihn wasasuc uh pa yurin sucu an. God El oakiyac sucu uh in use mwe engan nuh sin tuhlihk Nahtuhl, in lwelah kuht in lutlutkihn ip yohk suwohs yen mihs lac, ac in ahkoekuhlac in fohlohk nuh Yohrohl tukun kuht misac. Finne inmahsr lon sucu uh kuh in upac ke kuhtuh pacl uh, Pahpah Lucng El ahkinsewoyoye kuht ke kuht kwacfe in ukwe mwe luti luhn Jisus Kraist. Mwe luti inge kahsrwe kuht ahkfokokoye sucu lasr uh.

## PAHPAH LUCNG EL AHKKAHLWEMYE WOSASUC LAL

Ke ipin plwacn Lal uh, God El sule mwet pahluh, ma oacna Adam, Noah, Abraham, ac Moses. Mwet Pahluh:

- Luti ke God ac in mwet loh yohk srihpac luhn Wen Nahtuhl, Jisus Kraist.
- Eis **fwackyuck**, kuh kolyuck sin Leum.
- Luti wasasuc nuh facluh ac luhma kabs luhn God.

\*Kahs ma tuhn sruhsrah an ahkuhtweyucki oasr ke sra puk 18 ac 19.

Mwet Pahluh eis **pristut**, kuh kuh suwohs in fahk ac mukwikwi ke inen God in kol tuhlihk Nahtuhl. Mwet suc ukwe mwet pahluh uh eis mwe in sewowo God El olwelah uh. Elos suc srahngwesr lohng wosasuc ac mwet pahluh luhn God uh wacngihnlac mwe in sewowo ingacn ac ahkloesyelos liki God. Elos suc srahngwesr lohng mwet pahluh ac kahingkuhnlah olweacng lalos in ukwe God uh oasr ke ohiyac se pahngpahng **forlah liki ma pwacye**.

*Ahkkahlwemye ma pwacye uh tuhla ke mwet uh srahngwesr lohng mwet pahluh uh.*

Ne puhs sin tuhlihk Nahtuhl sika-lweni na in srahngwesr lohng Sel ac mwet pahluh Lal uh, Pahpah Lucng El tiac tui in luhngse tuhlihk Nahtuhl. El ke use nuh sesr ma nuh kwewa kuht enenuh in engan inge ac in fohlohk nuh Yohrohl tukun kuht

misac. Ma suhmuhslah uh ahkkahlwemye ohiyac se ke God El sikalweni in saplakyang nuh sin tuhlihk Nahtuhl, finne kuht tiac lohng ke pacl nuh kwewa:

- God El sule mwet pahluh se.
- Mwet pahluh se luti wosasuc ac kol mwet uh.
- God El ahkinsewowoye mwet uh.
- Mwet uh kais kuhtuh na tilac tuni kuh seahkos mwe luti luhn mwet pahluh. Elos kais kuhtuh na srahngwesr lohng mwet pahluh ac mwe luti lal ac puhtatyang nuh ke forlah liki ma pwacye.
- Ke srihpen forlah liki ma pwacye, mwet uh nuhkanlah etuh ke wosasuc uh. Kuh luhn pristut itucklac luhkwelos.
- Ke pacl uh fal ac mwet uh ahkolah in sifil ukwacl, God El sulwacnah pac mwet pahluh se, fohlohkohnwack pristut ac Alu uh, ac kol mwet pahluh se in luti wosasuc.

**Kahs ma tuhn sruhsrah an ahkuhtweyucki oasr ke sra puk 18 ac 19.**

***Mwet pahluh ke Wuhlweacng Mahtuh uh suhmuhslah kahs luhn God.***







## JISUS KRAIST EL OAKIYAC ALU LAL

Ke pacl se ma Oreklac Facluh ah me, tuhlihk nuhtin God tuhpan tuhkuh luhn Mwet Lahngo Jisus Kraist. Oacna ke El olwelah ah, Pahpah Lucng El suhpwacma Wen Nahtuhl, Jisus Kraist, nuh facluh ke 2,000 yac somlah ah.

Jisus Kraist El moulkihn sie moul suwohs, nwacsnwacs. El oakiyac Alu Lal, luti wosasuc Lal, ac orwaclah mwe usrnguck pucspucs. El sulaclah mwet singucul luu in pa **Mwet Sap Lal**, weluhlwacng Piter, Jemes, ac Jon. El lotwelos ac sang kuh ke pristut in luti ke Inel ac in oruh **akwuck muhtahl an**, ma oacna **pacptais**.

Ke Jisus El oakiyac Alu Lal uh, El eis ahkuhtweyac sin Pahpah Lucng. Na El ahkuhtweyac nuh sin mwet tuhma lutlut Lal an. Jisus El luti mwet ukwacl uh lah fwackyuck tuhkuh sin God pa yot se ma El ac fah muhsaheack Alu Lal fac.

Ke sahflahiyacn moul Lal, Jisus Kraist El kweok ac misac ke ma koluk lasr kwewa suc moul met kuh suc ac tuhfeh moul fin facluh. Kihzac se inge pa pahngpahng **Iwaclah**. Ke kweok, misac, ac **Moulyak Lal**, Mwet Lahngo El ahkfihsracsrye nuh sesr in kuh in eis nuhnak muhnahs. Elos suc luhlalhfongi ke El, auliyak, ac liyacacng masap Lal eis nuhnak muhnahs ke ma koluk ac sesseslah ke mihsac ac engan.

Tukun Moulyak Lal, Jisus Kraist El kol Mwet Sap Lal ah ke fwackyuck. Sihmlac in Pwacpuhl uh inkacnek puhs suc El tahfwelah in kol Alu Lal (liye Orekma 10; Fwackyuck 1:1). Ohinge Alu luhn Jisus Kraist kolyuck sin God ac tiac sin mwet uh.

### *Jisus Kraist El oakiyac Alu Lal:*

- *El pahngon ac akmuhsraelah Mwet Sap uh.*
- *El sang nuh selos kuh Lal in luti ac pacptais. Kuh se inge pa pahngpahng pristut.*
- *Tukun misac ac Moulyak Lal, El tahfwelah na in kol Mwet Sap uh ke fwackyuck.*

**Kahs ma tuhn sruhsrah an ahkuhtweyucki oasr ke sra puk 18 ac 19.**

***Jisus El sang pristut nuh fin Mwet Sap Lal uh.***

## FORLAH LIKI MA PWACYE

Tukun misac luhn Jisus Kraist, mwet koluk ah koase ac onwelah mempucr puhs ke Alu uh. Kuhtuh mempucr sahyac ke Alu uh kuhflah liki ip yohk lutyuck sin Jisus Kraist ac Mwet Sap Lal

ah. Mwet Sap ah acnwucki, ac kuh luhn pristut—wi ki in kol ac eis fwackyuck nuh ke Alu uh—itucklac liki facluh. Ke srihpen Alu uh tilac kolyuck ke kuh luhn pristut, ma stuhuh ilyak nuh ke

*Wi misac luhn Mwet Sap Lal Jisus Kraist ah, mwe luti pwacye uh sifil tuhlac.*

mwe luti ke Alu uh. Mwet wo ac ma pwacye puhs luhlah, tuhsruhk wosasuc oacna ke akwucki sel Jisus Kraist ac tuhlac. Puhlan pacl se inge pahngpahng Forlah Luhlahp Liki Ma Pwacye.

Forlah liki ma pwacye se inge pa sis sruhnwack luhn alu pucspucs uh wi mwe luti tikuckluc uh. In pacl se inge, puhs mukul ac muhtwacn suk ma pwacye uh, tuhsruhk elos tiac konwacack. Mwet wowo pucspucs luhlahlfongi ke God ac Jisus Kraist ac srihke in etuh ac luti ma pwacye, tuhsruhk wacngihn yohkiyacn wosasuc kuh kuh luhn pristut. Ke srihpac sacn, kais sie fihl usrukihn luhman forlah liki ma pwacye ke mwet uh ukwe ma fihl met ah tahfwema, weacng eklac ke wosasuc luhn Kraist.

Kuhtuh mokleack mwet uh, ma oacna Martin Luther ac John Calvin, suc akihlen lah oruh sac ac mwe luti uh eklac kuh tuhlac. Elos srihke in sifil oaki alu suc ma elos oasr kac. Ke kuh luhn pristut wacngihn uh, pa oruh, wosasuc luhn Kraist koflah na fohlohklac oacna met ah. **Fohlohkyak** se pa enenweyuck uh.



**G**od El etuh lah e tuh fah oasr forlah  
liki ma pwacye se. Sin sie mwet pahluh  
ke Wuhlweacng Mahtuh, El fahk:

“Liye, pacl se ac fah tuhkuh . . . Nga fah  
suhpwacma sracl nuh fin acn uh, tiac ke  
sracl in flao, kuh maluh ke kof, tuhsruhk ke  
lohng kahs luhn Leum:

“Ac [mwet] uh ac fah foroht forma liki Meoa  
Misa nuh ke Meoa Mediterranean, ac ke  
tafunyen epang nuh ke layen kuhtuhlacp. Elos  
ac fah suk kahs in luti sin Leum God yen nuh  
kwewa, tuh elos ac fah tiacna konacack.”

**Emos 8:11–12**



## FOHLOHKYAK LUHN WOSASUC

Ke 1820, oacna oruh Lal ke sramsram mahtuh uh me, Pahpah Lucng El sifil sule sie mwet pahluh in sifil fohlohkihn wosasuc ac pristut nuh facluh. Inen mwet pahluh sacn pa Joseph Smith. Ke el mwet fuhsr se ah, Joseph el fohsack ke ma siena inmahsr-lon alu pucspucs ke pola acn sel ah ac kena etuh lah piyac kac alu pwacye uh. El etuh lah wacngihn etwacack yohrohrl, oruh el ukwe fahk se in Pwacpuhl muh, “Fin oasr suwos suc wacngihn etwacack yohroh, lwelah elan siyuck sin God, suc sang nuh sin mwet nuh kwewa sukohsohk, ac tiac sruh; ac fah ituc-kyang” (Jemes 1:5).

Joseph Smith el otwelah in siyuck sin God ma el enenuh in oruh. Ke Joseph el pruhe in etuh ma pwacye, Pahpah Lucng ac Jisus Kraist sikyang nuh sel. Jisus El fahk Joseph elan tiac wi kuh-twena alu inge, ke “srihpen elos nuh kwewa stuhuh” ac “elos tuhkuh fototo nuh yuruk ke inngoasros, tuhsruhk insiyaclos loesuhlah likiyuc, elos luti ke mwe luti ke masap luhn mwet, luh-mahlah ma ohi, tuhsruhk lahfwekihn kuh la an” (Joseph Smith—Sramsram Mahtuh 1:19).

Oacna ke God El oruh nuh sel Adam, Noah, Abraham, Moses, ac mwet pahluh sahyac ah, El pahnglol Joseph Smith in oruh sie mwet pahluh suc kacal me fohnlah luhn wosasuc fohlohkihnyuckyak.

*Joseph Smith el liyacl  
Pahpah Lucng ac Jisus  
Kraist. Ke puhlakihn  
se inge, el fahk:*

*“Nga liye srun kahlwem  
soko tuhkuh fin sifuck, kahl-  
mwelihk ahliki kahlwem ke  
fah uh, suc kais kuhtuh na  
puhtati ne tuhwi feik. . . .*

*“Ke kahlwem sac tuhwi feik  
ah Nga liye Mwet luo, suc  
kahlwem ac wolacna la kof-  
lah na luhmweyuck, tu lucng  
liki yuc yen engyeng uh.*

*Sie selos kahs nuh sihk,  
pahngon yuc ke inek ac fahk,  
srihsrngi El suc ngiyac—  
Pa inge Wen Kuloh  
Nuhtihk. Porongwacl!”*

**Joseph Smith—Sramsram Mahtuh  
1:16–17**

## Fohlohkyak luhn Pristut

Ke 1829, Joseph Smith el eis kuh se pacna luhn pristut suc Jisus Kraist El tuh sang nuh sin Mwet Sap Lal ah. Jon Pacptais, suc pacptaiselah Jisus, sikyng nuh sel Joseph Smith ac sang nuh sel **Aaronic Pristut**, kuh pristut se ten ah. Piter, Jemes, ac Jon (tolu sin Mwet Sap luhn Jisus Kraist met ah) sikyng tok nuh sel Joseph Smith ac sang nuh sel **Melchizedek Pristut**, kuh pristut fuhlwact sac.

Tukun el eis kuh luhn pristut, Joseph Smith el kolyucklac in sifil oakiyac Alu luhn Jisus Kraist fin facluh. Kacl, Jisus Kraist El sifil pahngon Mwet Sap Singucul Luo.

*Jisus Kraist El suhpwacllah  
Jon Pacptais ac tolu sin  
Mwet Sap Lal in sang  
kuh luhn pristut nuh  
sel Joseph Smith.*

Oacna ke Jisus Kraist El kol Mwet Sap Lal ke fwackyuck tukun Moulyak Lal ah, El tahfwelah na in kol Alu uh mihsenge sin mwet pahluh ac mwet sap moul. Prestuhn ke Alu luhn Jisus Kraist luhn Mwet Luhlahlfongi ke Lwen-sahflah pa mwet pahluh sollac luhn God mihsenge. El, mwet kahsrub

lal, ac Mwet Sap Singucul Luo sruok kuh luhn pristut suc tuh sruokyuck sin mwet pahluh ac mwet sap kwewa met ah. Mwet inge mwet pahluh, mwet liyactwen, ac mwet eis fwackyuck.

**Kahs ma tuhn sruhsrah an ahkuhtweyucki oasr ke sra puk 18 ac 19.**

***Piter, Jemes, ac Jon—Mwet Sap luhn Jisus Kraist—sang Melchizedek Pristut nuh fac  
Joseph Smith.***







## PUK LUHN MORMON

Ke ipin Fohlohkyak luhn wasasuc, God El use Puk luhn Mormon: Sie Pac Wuhlweacng luhn Jisus Kraist. Ke kuh luhn God, Joseph Smith el luhngaslah puk se inge ke ma sihmlac mahtuh sihmihsyuck ke puhlwet kol. Puk luhn Mormon el “sie ma sihmlac ke oruh luhn God nuh sin mwet fin acn Macrike met ah ac fohnlah luhn wasasuc ma pahptaht oasr kac” (muhtwacwac-yen Puk luhn Mormon).

Puk luhn Mormon pa sie mwe loh kuhlwacna ke Jisus Kraist. Kahsrwe kuht in kahlwem ke mwe luti Lal, wi ma oasr in Pwacpuhl uh.

Puk luhn Mormon pa mwe ahkpwac-yei ke Fohlohkyak luhn wasasuc sel Joseph Smith me. Kom kuh in etuh sum sifacna lah Puk luhn Mormon uh pwacye. In eis etwacack se kac, kom enenuh in riti, motko pweng kac, ac in kena etuh fin pwacye. Kom enenuh in siyuck sin Pahpah Lucng in ahkpwac-yei lah kajs Lal pa inge. Ke kom oruh ohinge, El ac fah ahkkahlwemye nuh sum ke **Nguhn Muhtahl** lah ma inge pwacye.

Ke kom ac etuh lah Puk luhn Mormon pwacye uh, kom ac fah etuh pac ke Nguhn Muhtahl lah Joseph Smith el mwet pahluh se luhn God, lah wasasuc luhn Jisus Kraist fohlohkihnyuckyak sel, ac Alu luhn Jisus Kraist luhn Mwet Luhlahlfongi ke Lwen-sahflah kolyuck sin mwet pahluh se ac mwet sap mihsenge.

*Kom kuh in etuh lah ma misineri an luti kac uh pwacye kom fin rit ac pruhe ke Puk luhn Mormon:*

*“Kom fin siyuck ke inse pwacye, nuhnuh yohk, luhlhlafongi ke Kraist, el ac fah ahkkahlwemye ma pwacye nuh sum, ke kuh luhn Nguhn Muhtahl.*

*“Ac ke kuh luhn Nguhn Muhtahl, kom kuh in etuh ma pwacye ke ma nuh kwewa.”*

**Moroni 10:4-5**

**Kajs ma tuhn sruhsrah an ahkuhtweyucki oasr ke sra puk 18 ac 19.**

**Muhtwacta luhn Jisus Kraist nuh Macrike sihmlac oasr lun Puk luhn Mormon.**

## NGWAC KUH IN ETUH FUHKAH?

Kom kuh in etuh lah pweng se inge pwacye. Kom fin siyuck sin Pahpah tomom Inkuhsrao ke pruhe, kom kuh in eis top Sel ke Nguhn Muhtahl. Nguhn Muhtahl uh pahngpahng

### *Ngwac Pruhe Fuhkah?*

- *Akihlen Pahpah tomom Inkuhsrao.*
- *Fahk puhla luhn insiyom (srui, siyuck an ngihstre in ahkkweye ma pwacye ke Puk luhn Mormon ac ke ma misineri an luti tari).*
- *Kaliyac (“Ke inen Jisus Kraist, amen”).*

pac muh Nguhn luhn God, ac sie sin ma Kunacl uh pa in lohoh kac, kuh ahkpwacyei, ke ma suwos.

Etuh se inge kuh in usrnguck ac ikihl moul, tuhsruhk e kwacna tuhkuh ke atacn mihs lac, te ke kuh sakihrihk luhn God. Nguhn Muhtahl ahkkweye ma pwacye ke puhla, nuhnak, ac mwe akucl an. Oacna ke lutiyuck ke Pwacpuhl uh, “Fahko luhn Nguhn pa luhngse, engan, mihs lac, mong-fihsrwacsr in kweok, fihlpacp, wolacna, luhlalhfongi, fihlpacp, [ac] mongfih-sracsr” (Met Galatia 5:22–23). Puhla

sin Nguhn Muhtahl inge pa mwe fahkwack la sifacna nuh sum lah wasasuc luhn Jisus Kraist oacna ke fohlohkihnyuckyak sel Joseph Smith ah pwacye. Na kom ac tuhfah enenuh in sulaclah lah kom ac moul fal nuh ke etwacack kom eis tari uh.





## TAHK KE KAHS

**Akwuck** Akwuck muhtahl, suc orekmakihnyuck ke kuh luhn pristut. Sie mwe srihkasrak pa pacptais.

**Fohlohkihnyuckyak** Oruh sie ma orekma oacna met ah; sifil oakii; fohlohkohnwack in sasuci. Tukun ma pwacye ac kuh tuhlac liki facluh, wasasuc uh fohlohkihnyuckyak sel Mwet Pahluh Joseph Smith. Fohlohkyak sac sie na liki in sifil luhmahlah ma ke in *sifil luhma* kalmac pa in ahkwoyelah sie u ma oasr kuh akwuck in srihke in fohlohkihn nuh ke pwacyeyiac ah, finne nuh ke *fohlohkihn* kalmac pa in sifilpac oakiiyac kuh ahksasucye u na pwacye sac kuh ahkpahye nuh ke fohniyac ah.

**Forlah liki Ma Pwacye** Ke kais sie mwet, Alu, kuh muhtuhnfaci nuh kwewa kuhflah kuh forlah liki wasasuc luhn Jisus Kraist. Ma sikiyak ke forlah liki ma pwacye pa lahelihk, fohs, ac tuhlac ke kuh luhn pristut, kuh kuh in mukwikwi ke inen God.

**Fwackyuck** Sramsram inmahsrlon God ac tuhlihk Nahtuhl, kwacna tuhkuh sin Nguhn Muhtahl. Kais sie kuh in eis fwackyuck in kol moul lalos sifacna, tuhsruhk mwet pahluh sollac luhn God muhkwenah kuh in eis fwackyuck nuh fin facluh nohfohn. Fwackyuck tuhkuh ke luhmah pucspucs, tuhsruhk inkaiyacn pacl uh tuhkuh ke luhman nuhnak, puhla, ac mwe akihlen uh.

**Iwacalah** Ma sikiyak ma oruh kuht in lohacng nuh sin God. In iwacalah pa in kweok ke ma koluk, in tuh eslah mwactwacn ma koluk luhn mwet auliyak uh. Jisus Kraist pa muhkwenah kuh in oruh Iwacalah wo se nuh sin mwet nuh kwewa. Iwacalah Lal weacng kweok Lal nuh ke ma koluk lasr, ahksohrohrye Srahl, ac misac ac Moulyak Lal. Ke srihpen Iwacalah, mwet nuh kwewa suc ma moul met ah ac tuhfah moulyak. Iwacalah sac use pac nuh sesr inkacnek in nuhnak muhnahs ke ma koluk lasr ac in moul pahptaht yurin God.

**Melchizedek Pristut** Pristut fuhlwact kuh pristut se lucng uh. Pahngpahng Melchizedek ke Wuhlweacng Mahtuh ke Pwacpuhl uh, suc ma tuh prist fuhlwact suwohswohs ac tohkohsrah se.

**Mwet Sap** Wal se Jisus Kraist El sang nuh sin mwet singucul luo El sulaculah in oruh mwet in kahsrüh fototo Lal ke pacl kuh-lwacnsap Lal fin facluh ac nuh selos suc El sang kuh in mukwikwi ke Inel. In pacl inge, Jisus Kraist El pahngon mukul sahyac in kuhlwacnsap ekihn Mwet Sap Lal. In pacl met ah, Mwet Sap se pa mwet loh yohk srihpac se luhn Jisus Kraist ac eis kuh Sel.

**Nguhn Muhtahl** Oacyacpac pahngpahng Nguhn Muhtahl, Nguhn luhn God, ac Mwet in Ahkwoye se. El lohoh kac, kuh ahkpwac-yei, ke Pahpah Lucng ac Jisus Kraist ac ahkkahlwemye ac luti ma pwacye uh.

**Pacptais** Sie oruh yohk srihpac in eis nuhnak muhnahs luhn ma koluk uh. Ke eis pacptais ac ahkkweyeyucklac ke kuh luhn pristut, kuht ekihn mempucr ke Alu luhn Jisus Kraist luhn Mwet Luhlahl-fongi ke Lwen-sahflah. Pacptais ke tili otyak, kalmac pa mwet se ma pacptaislac uh pa tihlmackihnyucki ke kihtin pacl lun kof uh. Pacptais uh ahkkahlwemye luhngse lasr in ukwe mwe srihkasrak luhn Kraist ac in oruh olwelah nuh sin God.

**Pristut** Wal ac kuh luhn God. God El sang kuh se inge nuh sin mukul se in mukwikwi ke Inel. Aaronic Pristut fohlohkihnyuckyak nuh sel Joseph Smith sel Jon Pacptais, suc pacptaisellah Jisus. Melchizedek Pristut fohlohkihnyuckyak sel Piter, Jemes, ac John, tolu sin Mwet Sap Singucul Luo luhn Jisus.

**Pristut Lal Aaron** Pristut se ten ah. Pristut se inge wi kuh in pacptaisi ac ekihn inel Aaron ke Wuhlweacng Mahtuh ke Pwacpuhl uh.

**Sifil Moulyak** Tukun misac luhn mahno, sifil fohlohkweni luhn nguhn wi mahno wolacna luhn ikwac ac sri. Jisus Kraist pa emet in sifil moulyak.

**Wosasuc** Plwacn luhn Pahpah Lucng in kahsrwe kuht eis mihs lac ke moul se inge ac engan nwe tok ma pahtpaht. Wosasuc pa yohk ke Iwaculah luhn Jisus Kraist ac enenuh nuh sesr in oasr luhlahl-fongi ke El, auliyak, pacptaislac, eis Nguhn Muhtahl, ac muhtwacng-lah nuh ke sahflah.

## TAHFWEYACN MWE LUTLUT

Kihsen siyuck ac ma suhmuhslah ten inge fah kahsrwe kowos etuh yohk ke ip yohk ke puk srihsrihk se inge ac motko kac. Tahk se inge tiac arlac koanong; nacmpuh srihsrihk ac ma kahlwem ke ma suhmuhslah uh fah kol kom nuh ke tahfweyacn pohloh sramsram ac mwe kahsrueh uh.

**Meac kalmac nuh sum lah God El pa Pahpah tomom Inkuhsrao?**

Malakai 2:10 (Pwacpuhl, Wuhlweacng Mahtuh)

Mwet Hibu 12:9–10 (Pwacpuhl, Wuhlweacng Sasuc)

---

---

---

**Meac orekma luhn sie mwet pahluh? Efuh kuh yohk srihpac in etuh lah God El sramsram nuh sin mwet pahluh uh?**

Emos 3:7 (Pwacpuhl, Wuhlweacng Mahtuh)

Jacob 4:4–6 (Puk luhn Mormon, sra puk 124)

---

---

---

**Meac kalmacn in sruok kuh luhn pristut? Mwet se eis fuhkah kuh se inge?**

Mattu 10:1 (Pwacpuhl, Wuhlweacng Sasuc)

Jon 15:16 (Pwacpuhl, Wuhlweacng Sasuc)

---

---

---

**Meac sikyak ke kuh se ingacn tuhlac uh?**

Emos 8:11–12 (Pwacpuhl, Wuhlweacng Mahtuh)

1 Nephi 13:24–29 (Puk luhn Mormon, sra puk an, 25–26)

---

---

---



**Kuh Mwet Sap luhn Jisus etuh lah forlah liki ma pwacye uh kuh in sikyak?**

Orekma 20:28–31 (Pwacpuhl, Wuhlweacng Sasuc)

2 Mwet Tessonika 2:2–3 (Pwacpuhl, Wuhlweacng Sasuc)

2 Timote 4:3–4 (Pwacpuhl, Wuhlweacng Sasuc)

---

---

---

**Meac kalmac nuh sum lah wasasuc luhn Jisus Kraist fohlohkihnyuckyak sel Joseph Smith?**

*Fahkwack luhlalfongi lal Mwet Pahluh Joseph Smith (puk srihsrihk)*

---

---

---

**Meac Puk luhn Mormon? Fuhkah tuh in mwe loh se ke pahngonyuck lal Joseph Smith in pa sie mwet pahluh?**

Sifen sra puk ke Puk luhn Mormon

Ahkuhtweyac ke Puk luhn Mormon

---

---

---

**Meac orekma luhn Nguhn Muhtahl uh?**

Alma 5:45–47 (Puk luhn Mormon, sra puk 221)

Moroni 10:3–5 (Puk luhn Mormon, sra puk 529)

---

---

---

## WI KUHT ALU

TUHKUH AC LIYE OHIYAC MA  
FOHLOHKIHNKYUCKYAK KE WOSASUC KUH  
IN AHKINSEWOWOYE MOUL LOWOS AN



Miting ke kuhfa luhn Leum pa yohkiyacn alu uh. E kwacna orek ke lusen ao se kuhtuh ac orek kac ma ten inge:

*On in alu:* Onkihnyauck sin mwet ke alu uh. (Puk in alu uh fosr-ngahkihnyauck.)

*Pruhe:* Orek sin mempucr ke Alu uh.

*Kuhfa luhn Leum:* Flao ac kof uh ahkinsewowoyeyuck ac kihteyuck nuh sin mwet ke alu in ahkacsmakihn ke Iwacлах luhn Jisus Kraist.

*Mwet in Sramsram:* Kwacna sollac sie kuh luo sin mempucr ke alu uh sramsramkihn sifac ke wasasuc uh.

*Nuknuk:* Mukul ac tuhlih mukul uh kwacna nukum sut kuh tuh-rasis wowo wi wes ac nektai. Muhtwacn ac tuhlih muhtwacn uh nukum nuknuk loeloes kuh sikuct.

Mwe sang uh tiac ngihseyuck ke pacl in alu uh.

Kuht suli kowos pac in wi pac miting tohkohyang an, ma fal nuh sum kuh matwacn u uh. Akwuck ac oasr luhn miting inge kuh in ekyek.

*Sacnri Skul:* Kuhlals in lutlut ke ma suhmuhslah ac mwe luti ke wosasuc.

*Miting luhn Pristutan:* Kuhlals luhn mukul ac tuhlihk mukul matwac yac 12 ac mahtuhyak.

*U luhn Muhtwacn in Kahsruh:* Kuhlals luhn muhtwacn matwac yac 18 ac mahtuhyak.

*Muhtwacn Fuhsr:* Kuhlals luhn tuhlihk muhtwacn matwac yac 12 nuh ke yac 18.

*U luhn Tuhlihk Srihsrihk:* Kuhlwasap luhn u ac kuhlals luhn tuhlihk matwac yac 3 nuh ke yac 11. Nuersucri luhn tuhlihk matwac mahlwem 18 nuh ke yac 3 pa kwacna oasr uh.




Pacl in toeni ke kuhfa luhn Leum: \_\_\_\_\_

Acn lohm in Alu uh oasr we: \_\_\_\_\_

\_\_\_\_\_

# Meac Nga Enenuh in Oruh uh?



- Riti Puk luhn Mormon.

Mwe rit tohyak an: \_\_\_\_\_

---

- Pruhe in etuh lah Joseph Smith el mwet pahluh se ac lah Puk luhn Mormon pa kahs luhn God.

- Wi alu.

- Nuhnkuh lah kom ac ukwe Mwet Lahngo in pacptaislac.

Lwen in pacptais: \_\_\_\_\_

---

- Muhtwacta nuh ke [www.mormon.org](http://www.mormon.org) in etuh yohk ke fohlohkihn-yuckyak ke wasasuc luhn Jisus Kraist.

- Tahfwelahna in ohsun nuh sin misineri an in etuh yohk ke ma pwacye God El fohlohkohnwack sin mwet pahluh in pacl-inge uh.

Ohsun se tok uh: \_\_\_\_\_

---

Inen misineri an ac nacmpuh in tacluhfon lalos an: \_\_\_\_\_

---

---

ALU LUHN  
JISUS KRAIST  
LUHN MWET  
LUHLAHLFONGI LAL  
KE LWEN-SAHFLAH

[www.mormon.org](http://www.mormon.org)

#### Petsac In Akihenyuck

Acn met ke kolon puk: *Sip Fuhsr Tuhlac*, sel Del Parson. © Del Parson. Nimet kapi  
Sra puk 5: Yohkiyacn ma ke *Mwet Pahluh Isaia el Palye Isuslac luhn Kraist*, sel Harry Anderson  
Sra puk 6: Yohkiyacn ma ke *Kraist El Akmuhsraelah Mwet Sap Singucul Luo ah*, sel Harry Anderson  
Sra puk 13: Yohkiyacn ma ke *Fohlohkyak luhn Melchizedek Pristut*, sel Kenneth Riley  
Sra puk 14: Yohkiyacn ma ke *Muhtwacta luhn Jisus Kraist nuh Macriko*, sel John Scott

© 2012 sel Intellectual Reserve, Inc. Kuh ac suwohs nuh kwewa fihlyucki. Sihmlac fin acn USA.  
Ahkkweyeyucklac ke kahs English: 1/06. Ahkkweyeyucklac ke lweng: 1/06.  
Lwenglah luhn *The Restoration of the Gospel of Jesus Christ*. Kosraean. 01140 868

KOSRAEAN



4 02011 40868 2

01140 868